

## Von gemeinleuffigen pacten. XXXIX

### Gütlich rachtungen sollen

nit wyter würtken dan die sach ist.

¶ Wir wöllen aber hieby namlich gelitert haben/wen die gütlich rachtung von einer sondern sach wegen abgerede ist/die sol sich vff dheim ander hendel streckē/ob gleichwol die wort des verrags vast wylöffig weren/in der verschußung.

### Ob in gütlicher rachtung vmb

das spennig güt werchafft zethün sye.

¶ Wen einem in gütlicher rachtung/das güt bliß/darumb der zanc gewesen/vnd das er vor ingehept hat/so ist der gegenteil im dheim werchafft schuldig/ob im ein ander hienach das selb güt angewünne/wen aber einer dem andern dz ingehapt güt/vff sinen in des andern hand in gütlicher rachtung antwürtet/der ist im selben fall werchafft schuldig.

### Ob wetten krefftig sye.

¶ Wir habē ouch gesezt/welche miteinander bedachtlich wetten/die selb wettung sol im bestand habē/vnd mag der überwinder sin rechte sūchen vnd erlangen/es wer dan die sach des wettens vnerlich/schandbar oder lesterlich.

### Wer bedechtlich zūsagt

der sol es halten.

¶ Welcher dem antern etwas mit bedachtlichkeit zūsagt/es sig mit bloßsen Worten/oder andern zūsagungen/die wort syent wie sy wöllen/So sol der iben der zūsagt hat/sin zūsagen halten/vnd mag mit rechte dar zū gezwungē werden/dan es gepürt sich mēschlicher erberkeit/das mā glauben halte/es wer dan das zūsagen vmb vnerlich sachen.

### Erklerung was gemein

löffige pact syent.

¶ Vnder den gemeinlöffigen pacten/sind alle die contract begriffen do ein yede parthie der andern zūsagt etwas zū thün/wen die nit mit sondern namen vergwissnet sind/als so einer dem andern ein hofftar zū kouffsen gibē/das er im ein ander güt geb/oder etwas anders thüge. Sollich vnd derglich mēgetley contract/sind krefftig nit als kouff/sonder als ander gemein überkommnis vnd conuencion/wie wir dan oben im vierden tittel/by anfang ouch angerürt haben.

h ij